



Tilsynsutvalet i Vestland

Hardangervidda nasjonalpark

Norsk Natursenter As
5784 Øvre Eidfjord

Dykkar ref.

Vår ref.

22/802-714 /agny/22/24971

Arkiv:

FA-K01

Dato

12.09.2022

Svar på søknad om helikoptertransport i samband med filmopptak av villrein hausten 2022

Viser til dykkar søknad om inntil 4 landingar med helikopter innan Hardangervidda nasjonalpark for transport av utstyr og personell i samband med filmopptak av storbukk i brunst, til den nye panoramafilmen til Hardangervidda natursenter. De skriv at planen er å landa ved ei utleiehytte eller etablere teltleir i eit eigna område, og så oppsøkje villreinflokkane til fots. Landingsstad vil vera i heile nasjonalparken, og tidsrom vil vera i brunsttida til villreinen fom. 20.09. - 10.10.2022. De vil ha tett kontakt med Petter Bråthen i SNO for fortløpande oppdatering av dyreposisjonar slik at de kan ta nødvendig omsyn til dyra skriv de i søknaden.

Tilsynsutvalet i Vestland har vidaresendt søknaden til dei andre to tilsynstvala for Hardangervidda nasjonalpark sidan søknaden i realiteten gjeld innanfor heile nasjonalparken då ein ikkje veit kvar villreinen er å finna i det omsøkte tidsrommet.

Dei 3 tilsynstvala (TU) stiller seg negative til denne aktiviteten. Det er svært mykje helikoptertransport på vidda om dagen der villrein vert jaga/uroa. I tillegg til stort uttak av rein i løpet av jakt-tida føregår det både kalveteljingar og merking tidlegare på året. TU ynskjer ikkje å stressa villreinen ytterlegare med det vi vurderer som unødvendig. Det finnes mange opptak av villrein allereie, som ein bør kunne ta i bruk.

Tilsynsutvalet i Viken ynskjer også å peike på at søkjar ikkje har levert tilbakemelding for transporten med snøskuter som dei fekk i vinter, og har dirfor ikkje klart å oppfylle vilkåra i det tildelte løyvet.

VEDTAK:

Tilsynsutvalet i Vestland gjev Norsk Natursenter AS avslag på søknad pr e-post datert 02.09.2022 då ein vel å ikkje gje dispensasjon frå motorferdsleforbodet i Hardangervidda nasjonalpark til dette føremålet iflg. § 48 i Naturmangfoldlova. TU vurderer ikkje denne transporten som nødvendig, og ynskjer ikkje at villreinen vert uroa unødigg.

Dette vedtaket kan klagast på innan 3 veker frå det er motteke. Eventuell klage må grunngjevast og skal framsetjast i skriftleg form. Klagen skal stilast til Miljødirektoratet, men sendast til det tilsynsutvalet som har handsama søknaden.

Ring oss

Telefon: 53 65 40 00

Kontakt oss:

tilsynsutvalet.hordaland@ullensvang.kommune.no
Sandvikevegen 11, 5780 Kinsarvik

Helsing

Anne Gerd Nysveen

Konsulent

Tilsynsutvalet i Vestland for Hardangervidda nasjonalpark

Kopi til:

Tilsynsutvalget for

Hardangervidda Telemark

Viken Tilsynsutvalg